


遼

史



K246
13
:3

遼史卷六十三

元脫脫等撰

表第一

世表

遼史

第一 表 三 動也 有冊

卷六三至卷一一六(表傳)

中華書局

遼史卷六十三

表第一

世表

天開於子，地闢於丑，人生於寅。天地人之初，一焉耳矣。天動也，有恆度；地靜也，有恆形；人動靜無方，居止靡常。天主流行，地主蓄泄，二氣無往而弗達，亦惟人之所在而畀付焉。

庖犧氏降，炎帝氏、黃帝氏子孫衆多，王畿之封建有限，王政之布濩無窮，故君四方者，多二帝子孫，而自服土中者本同出也。考之宇文周之書，遼本炎帝之後，而耶律儼稱遼爲軒轅後。儼志晚出，蓋從周書。蓋炎帝之裔曰葛烏菟者，世雄朔陲，後爲冒頓可汗所襲，保鮮卑山以居，號鮮卑氏。旣而慕容燕破之，析其部曰宇文，曰庫莫奚，曰契丹。契丹之名，昉見于此。

隋、唐之際，契丹之君號大賀氏。武后遣將擊潰其衆，大賀氏微，別部長過折代之。過折尋滅，迭刺部長涅里立迪輦組里爲阻午可汗，更號遙輦氏。唐賜國姓，曰李懷秀。旣而懷秀叛唐，更封楷落爲王。而涅里之後曰耨里思者，左右懷秀。楷落至于屈戌幾百年，國勢復振。

至耨里思之孫曰阿保機，功業勃興，號世里氏，是爲遼太祖。於是世里氏與大賀、遙輦號「三耶律」。自時厥後，國日益大。起唐季，涉五代、宋，二百餘年。

名隨代遷，字傳音轉，此其言語文字之相通，可考而知者也。其所不可知者，有若奇首可汗、胡刺可汗、蘇可汗、昭古可汗，皆遼之先，而世次不可考矣。撫其可知者，作遼世表。

帝統

契丹先世。

漢

冒頓可汗以兵襲東胡，滅之。餘衆保鮮卑山，因號鮮卑。

魏

青龍中，部長比能稍桀驁，爲幽州刺史王雄所害，散徙潢水之南，黃龍之北。

晉

鮮卑葛烏菟之後曰普回。普回有子莫那，自陰山南徙，始居遼西。九世爲慕容晃所滅，^{〔二〕}鮮卑衆散爲宇文氏，或爲庫莫奚，或爲契丹。

元魏

契丹國在庫莫奚東，異族同類，東部鮮卑之別支也，至是始自號契丹。爲慕容氏所破，俱竄松漠之間。道武帝登國間，大破之，遂與庫莫奚分背。經數十年，稍滋蔓，有部落於和龍之北數百里。太武帝太平眞君以來，歲致名馬。獻文時，使莫弗紇何辰來獻，始班諸國末，欣服。^{〔三〕}萬丹部、何大何部、伏弗郁部、羽陵部、日連部、匹黎部、黎部、^{〔四〕}吐六于部以名馬文皮來貢，得交市于和龍、密雲之間。太和三年，高句麗與蠕蠕謀取地豆于以分之，契丹懼，莫弗賀勿于率其部落車三千乘、衆萬餘口內附，止於白狼水東。

北齊

天保四年九月，契丹犯塞，文宣帝親討之，至平州，乃趨長蘆。^{〔五〕}司徒潘相樂率精騎五千，自東道趨青山；安德王韓軌帥騎四千東斷走路。帝親踰山嶺奮擊，虜男女十餘萬，雜畜數十萬。相樂又於青山大破別部，所虜生口分置諸州。復爲突厥所逼，又以萬家寄處高麗境內。

隋

開皇四年，率諸莫弗賀來謁。五年，悉衆款塞，高祖納之，聽居故地。六年，諸部相攻不止，又與突厥相侵，高祖使使諭解之。別部出伏等違高麗，率衆內附，置於渴奚那頡之北。開皇末，別部四千餘戶違突厥來降，高祖給糧遣還，固辭不去，部落漸衆。遂北徙，逐水草，當遼西正北二百里，依紇臣水而居。〔六〕東西五百里，南北三百里，分爲十部，兵多者三千，少者千餘。有征伐，酋帥相與議之，興兵則合符契。突厥沙鉢略可汗遣吐屯潘埏統之，契丹殺吐屯。大業七年，貢方物。

唐

契丹地直京師東北五千里而羸，東距高麗，西奚，南營州，北靺鞨、室韋，阻冷陁山以自固。射獵居處無常。其君大賀氏有勝兵四萬，析八部，臣于突厥，以爲俟斤。凡調發攻戰，則諸部畢會，獵則部得自行。與奚不平，每鬪不利，輒遁保鮮卑山。〔七〕武德初，大帥孫敖曹與靺鞨長突地稽俱來朝。二年，入犯平州境。六年，君長咄羅獻名馬、豐貂。貞觀二年，摩會來降，突厥請以梁師都易契丹，太宗曰：「契丹、突厥不同類，師都唐編戶，我將擒之，不可易降者。」三年，摩會入朝，賜鼓纛，由是有常貢。帝伐高麗，悉發契丹、奚首領從軍。還過營

州，以窟哥爲左武衛將軍。大帥辱紇主據曲率衆來歸，〔一〕卽其部爲玄州，以據曲爲刺史，隸營州都督府。窟哥舉部內屬，乃置松漠都督府，以窟哥爲都督，封無極男，賜姓李氏。以達稽部爲峭落州，紇便部爲彈汗州，獨活部爲無逢州，芬間部爲羽陵州，突便部爲日連州，芮奚部爲徒河州，墜斤部爲萬丹州，伏部爲匹黎、赤山二州，俱隸松漠府，以辱紇主爲刺史。窟哥死，與奚叛，行軍總管阿史德樞賓執松漠都督阿不固，〔二〕獻于東都。窟哥二孫：曰枯莫離，彈汗州刺史、歸順郡王；曰盡忠，松漠都督。敖曹曾孫曰萬榮，〔三〕歸誠州刺史。時營州都督趙文翹數侵侮其下，盡忠等怨望，與萬榮共舉兵，殺文翹，據營州，自號「無上可汗」，推萬榮爲帥。不二旬，衆數萬，攻崇州，執擊討副使許欽寂。武后怒，詔將軍曹仁師等二十八將擊之，更號萬榮曰「萬斬」，盡忠曰「盡滅」。戰西硤石，黃獐谷，王師敗績。進攻平州，不克。武后益發兵擊契丹。萬榮夜襲檀州，清邊道副總管張九節拒戰，萬榮敗走。俄盡忠死，突厥默啜襲破其部。萬榮收散兵，復振。別將駱務整、何阿小入冀州，殺刺史陸寶積，掠數千人。武后聞盡忠死，詔夏官尚書王孝傑等率兵十七萬討萬榮，戰東硤石，敗績，孝傑死之，萬榮進屠幽州。又詔御史大夫婁師德等率兵二十萬擊之，萬榮乘銳，鼓行而南，殘瀛州屬

縣。神兵道總管楊玄基率兵掩擊，〔二〕大破萬榮，執何阿小，別將李楷固、駱務整降。萬榮委軍走，玄基與奚四面合擊，萬榮衆潰，東走。張九節設三伏待之。萬榮窮蹙，與家奴輕騎走潞河東，憊甚，臥林下。奴斬其首以獻，九節傳東都。契丹餘衆不能立，遂附突厥。開元二年，盡忠從父弟失活率部落歸唐。

失活，玄宗賜丹書鐵券。開元四年，與奚長李大酺偕來，詔復置松漠府，以失活爲都督，封松漠郡王，仍置靜析軍，以失活爲經略大使，八部長皆爲刺史。五年，以楊氏爲永樂公主下嫁失活。〔三〕六年，卒。

娑固，失活之弟，帝以娑固襲爵。開元七年十一月，娑固與公主來朝。衙官可突于勇悍，得衆心，娑固欲除之，事泄，可突于攻之，娑固奔營州。都督許欽澹及奚君李大酺攻可突于，不勝，娑固、大酺皆死。〔韓愈作可突干，劉

陶、宋祁及唐會要皆作可突于。

鬱于，娑固從父弟也，可突于推以爲主，遣使謝罪，玄宗冊立襲娑固位。開元十年，鬱于入朝，以慕容氏爲燕郡公主下嫁鬱于，卒。

咄于，〔二〕鬱于之弟，襲官爵。開元十三年，咄于復與可突于猜阻，與公主來奔，改封遼陽王。〔四〕

邵固，咄于之弟，^{〔二五〕}國人共立之。開元十三年冬，朝于行在，從封禪泰山，改封廣化郡王，以陳氏爲東光公主下嫁邵固。^{〔二六〕}十八年，爲可突于所弑，以其衆降突厥，東光公主走平盧。

屈列，^{〔二七〕}不知其世系，可突于立之。開元二十二年六月，幽州節度使張守珪大破可突于。^{〔二八〕}十二月，又破之，斬屈列及可突于等，傳首東都，餘衆散走山谷。

過折，^{〔二九〕}本契丹部長，爲松漠府衙官，斬可突于及屈列歸唐。幽州節度使張守珪立之，封北平郡王。是年，可突于餘黨泥禮弑過折，屠其家，一子刺乾走安東，拜左驍衛將軍。自此，契丹中衰，大賀氏附庸於奚王，以通于唐，朝貢歲至。至德、寶應間再至，大曆中十三至，^{〔三〇〕}貞元九年、十年、十一年三至，元和中七至，太和、開成間四至。泥禮，耶律儼遼史書爲涅里，陳大任書爲雅里，蓋遼太祖之始祖也。

李懷秀，唐賜姓名，契丹名迪輦組里，^{〔三一〕}本八部大帥。天寶四年降唐，拜松漠都督。安祿山表請討契丹，懷秀發兵十萬，^{〔三二〕}與祿山戰潢水南，祿山大敗，自是與祿山兵連不解。耶律儼紀云，太祖四代祖耨里思爲迭刺部夷離董，

遣將只里姑、括里，大敗范陽安祿山于潢水，適當懷秀之世。則懷秀固遙輦氏之首君，爲阻午可汗明矣。

楷落，以唐封恭仁王，代松漠都督，遂稱契丹王。其後寢大，貞元四年，犯北邊，幽州以聞。自祿山反，河北割據，道隔不通，世次不可悉考。（三）

契丹王屈戌，武宗會昌二年授雲麾將軍，是爲耶瀾可汗。（四）幽州節度使張仲武奏契丹舊用回鶻印，乞賜聖造，詔以「奉國契丹」爲文。（高麗古今錄作

屈戌。

契丹王習爾，（五）是爲巴刺可汗。咸通中，再遣使貢獻，部落寢強。

契丹王欽德，習爾之族也，是爲痕德堇可汗。光啓中，鈔掠奚、室韋諸部，皆役服之，數與劉仁恭相攻。晚年政衰。八部大人，法常三歲代，迭刺部耶律阿保機建旗鼓，自爲一部，不肯受代，自號爲王，盡有契丹國，遙輦氏遂亡。

蕭韓家奴有言，先世遙輦可汗注之後，國祚中絕，自夷離堇雅里立阻午可汗，大位始定。今以唐史、遼史參考，大賀氏絕于邵固，雅里所立則懷秀也，其間唯屈列、過折二世。屈列乃可突于所立，過折以別部長爲雅里所殺。唐史稱

泥里爲可突于餘黨，則洼可汗者，殆爲屈列那？

校勘記

〔一〕耨里思之孫曰阿保機。孫，據太祖紀贊及下文「太祖四代祖耨里思」，應是玄孫。

〔二〕爲慕容晃所滅。據晉書一〇九前燕載記，「晃」應作號。

〔三〕始班諸國末欣服。按此源於魏書一〇〇契丹傳：「得班響於諸國之末」，「心皆忻慕」，「莫不思服」，欣服二字，語義不完。

〔四〕萬丹部至黎部。萬丹部，按營衛志中及魏書一〇〇、新唐書二一九契丹傳並作悉萬丹部。日連部，連原誤「速」，據營衛志中及魏書、新唐書契丹傳改。伏弗郁、羽陵、匹絜、黎等部參卷三二

校勘記〔一〕〔三〕。

〔五〕長遼。遼原誤「漸」，據北齊書四文宣紀及北史九四契丹傳改。平，其首唐率大將率諸將內附。則

〔六〕紇臣水。按隋書八四、北史九四契丹傳作託紇臣水。

〔七〕武德初。初原作「中」，據下文二年及舊唐書一九九下契丹傳改。新曰萬榮。

〔八〕辱紇主據曲。辱紇主原誤「紇主」，據新唐書二一九契丹傳改。據曲，參卷三二校勘記〔七〕。

〔九〕阿不固 按新唐書契丹傳作阿卜固。

〔一〇〕敖曹曾孫曰萬榮 曾孫，舊唐書契丹傳同。新唐書契丹傳作「有孫曰萬榮」。

〔一一〕神兵道總管楊玄基 原作神兵總管楊立基，據新唐書契丹傳改。

〔一二〕五年以楊氏爲永樂公主下嫁失活 按舊唐書契丹傳，「開元三年，其首領李失活率種落內附。明

年，失活入朝，封宗室外甥女楊氏爲永樂公主以妻之。」

〔一三〕咄于 按新、舊唐書契丹傳及通考三四五並作吐于。

〔一四〕遼陽王 按新、舊唐書契丹傳作遼陽郡王。

〔一五〕邵固咄于之弟 按新、舊唐書契丹傳作李盡忠之弟。

〔一六〕東光公主 按新、舊唐書契丹傳作東華公主。

〔一七〕屈列 按新唐書契丹傳作屈烈，張九齡曲江集八作據埒。

〔一八〕幽州節度使張守珪 按新、舊唐書契丹傳並作幽州長史張守珪。按當時張守珪官銜爲幽州節

度副大使、幽州長史兼御史大夫，見曲江集九。

〔一九〕過折 按曲江集卷五，卷八作鬱捷，卷九、卷十一作過折。遇、鬱音同，過似應作遇。

〔二〇〕大曆中十三至 原誤「大曆十二年」，據新唐書契丹傳改。按大曆凡十四年，約每年一次。

〔二一〕契丹名迪輦組里 按上文作迪輦組里。

〔三〕懷秀發兵十萬 按新唐書契丹傳，安祿山發幽州、雲中、平盧、河東兵十餘萬。非懷秀發兵十萬。

〔三三〕世次不可悉考 按百官志一，遙輦九帳大常袞司已列遙輦九世可汗世次。

〔三四〕授雲麾將軍是爲耶瀾可汗 「是爲耶瀾可汗」原在下文「幽州節度使」下，誤以屈戌爲幽州節度使。據新唐書契丹傳改。

〔三五〕習爾 新唐書契丹傳作習爾之。

00016

（一）可不聞 後世所書其目

口口口口

口口口口

口口口口

口口口口

口口口口

口口口口

口口口口

口口口口

口口口口

口口口口

口口口口

口口口口

口口口口

口口口口

口口口口

口口口口

口口口口

口口口口

口口口口

遼史卷六十四

表第二

皇子表

帝官天下，王者家焉。至于親九族，敬五宗，其揆一也。三代以上，封建久長，故吳、魯、燕、蔡、衛、晉、鄭，太史遷既著世家，又列年表，不厭其詳。自漢以降，封建實亡，猶有其名，長世者登世家，自絕者置列傳，然王子侯猶可以年表也。班固以爲文無實，併諸侯削年而表，世君子韙之。自魏以降，不帝不世，王侯身徙數封，朝不謀夕，於是列而傳之。功不足以垂法，罪不足以著戒，碌碌然，抑又甚焉。

今摘其功罪傑然者列諸傳，敘親親之恩，敬長之義，而無他可書者，略表見之，爲皇子表。

帝系			名字			第 行			封 爵			官 職			功			罪			薨 壽			子 孫		
肅祖四子：			洽春，字牙新。			第一。						迭剌部夷離董。			有德行。分五石烈爲七，六爪爲十一。						早卒。			房在五院司。		
蕭氏生，懿祖第二，見帝紀。			葛刺，字古昆。			第三。						舍利。									早卒。			房在六院司。		
			輦。洽禮，字敵。			第四。						舍利。												房在六院司。		
莊敬皇后			叔刺。			第一。						舍利。									早卒。					
蕭氏生，玄得。			帖刺，字痕第二。									九任迭剌部夷離董。									卒年七十。			六院司，呼爲夷離董		

祖第三，見	帝紀。	玄祖四子：	蕭氏生，德	祖第四，見	帝紀。
巖古直，字	巖母根。	麻魯。	巖木，字敵	輦。	
第四。		第一。	第二。		
			重熙中，追封蜀國王。		
舍利。	舍利。	舍利。	三爲迭刺部夷離羣。		
善射。			身長八尺，多力，能裂麕皮。語音如鐘，彌里本嶺去家數里，嘗登嶺呼其從，家人悉聞之。		
年幾冠，墮	馬卒。	早卒。	年四十五薨。		
六院司，呼爲舍利房。			二子：胡古只，未掇。其後卽三父房之孟父。		房。